

chati a le man insieme, e morto 15 bandiere, *videlicet* più di 4000 fanti di la liga di Svevia e casa di Austria dal ducha di Virtemberg. Al presente avvisa esser letere da quelle bande non esser vero, *imo* il Ducha è ritrato a mezo dil suo paese con 10 milia fanti et 500 cavali e l'exercito di la liga di Svevia lo seguitava, e si tien non sarà tropo bene, perchè li sguizari, era con lui, è ritornati in dietro per comandamento di soi capi, pur è romasi qualche uno, ma pochi; et che 'l Conte Palatino e altri principi zerca-va di acomodarli. Si crede esser mal in hordine per esser la liga di Svevia più di 20 milia fanti et 3000 cavali. Era fama per tutta la Alemagna il re di Fran-za è causa di questo, zoè che non voleva per cosa dil mondo comportar il re Catholico venisse a far in Alemagna, acciò li Electori non lo facesse Re di ro-mani e inanimar tutta la Alemagna contra di lui; *tamen* per bona via è avisato li principi e signori di Spagna manda a tutti li Electori una imbasata per uno, a dirli hanno saputo questo, e li afermino tuta la Spagna si oferiva a ogni comandamento di Electori per accompagnar il suo Re con le arme, a tute loro spese. *Item*, si dice si dieno adunar li Electori apresso Augusta a uno mio todesco, a certo castello, e si tien al presente siano radunati e vanno per veder come passa le cosse fra loro Electori, dil Catholico re, e non fazendo cosa al suo proposito, si partirano in desacordo e con l'exercito a piedi e a cavallo, ch'è quello al presente si ritrova in campa-gna, e acadendo per redopiarlo e il re Catholico si oferisse a pagarlo, e per forza di arme manderà ad executione lo intento suo. Et dito Re ha fato di molti cavalieri: el re di Polana, el re di Dacia e el prin-cipe di Bisignano etc. Se intende il Cardinal di sguizari ha asoldato più di 200 di primi capi di sguizari, a cui 200, a cui 300 ducati di provision, alcuno per nome dil re Catholico, e se tien che 'l sarà Re di romani, e quando non fusse lui, mancho sarà il re Christianissimo, benchè non manca di quello è possibile; ma più presto qualche uno porà tuor de mezo, come per altre è avisato.

85\* Fu posto, prima si lezese le letere, per li Consieri e Cai di XL, hessendo stà electo per questo Consejo sier Sebastian Moro, fo provedador in armada, con li modi di Provedador sora l'Arsenal, et non essen-do di questo Consejo, l'anderà parte che 'l possi ven-ir non metendo balota etc. Ave 136, 28.

Et cussì, avanti si lezese la letera, el prefato sier Sebastian vene in Pregadi.

Fu posto, per i Savii tutti, havendo refudà capi-tanio di le galie bastarde sier Zuan Moro qu. sier

Antonio, e atento è necessario l'armi, subito sia eleto *de presenti* per scurtinio di questo Consejo Capitanio di le galie bastarde, qual debbi risponder da matina e meter bancho Domenega, et debbi tuor una de le do galie bastarde è in ordine, et possi es-ser electo di ogni loco, officio e rezimento, e fu presa. Ave 156, 5.

Et fo mandato a tuor il scurtinio e stridato se intendi il prefato Capitano sarà electo a termine zor-ni 15 a partirsi. Questo fo dito perchè fo tolti di quelli è fuora e non saranno sì presto de qui.

Fu posto, per li Savii tutti, come dil 1489 a di 6 Decembrio fu preso che il dazio dil vin di Candia sia ubligà a pagar le provision di stratioti e non altri daciai, e *tamen* tal ordine non vien servato e si paga su altri daciai, qual impelisse lo armar di le galie; però sia preso che dita parte sia observada soto pe-na etc. non si pagi stratioti di altra sorte di danari. Et fu presa: 88, 3, 0.

Fu posto una confirmation di provision a li capi-tani di stratioti per li diti Savii, *videlicet* a Zorzi Renessi et Pietro Gerbi, quali serveno l'uno a Sebe-nico, l'altro a Spalato, di ducati cinque di più per paga, che li Provedadori in campo li augumentono per uno, sichè come fin hora hanno auto ducati 9 per paga cussì per lo advenir habino a page 8 a l'anno servendo in Dalmatia, et andando in Levante a page 4 a l'anno, *ut in parte*. Et fo balotà do volte, ave il numero vol la leze habi da b. 150 in suso, *vi-delicet* 99, 10, 0, *iterum* 122, 15, *nihil captum*, et cussì anderà uno altro Consejo.

Fo posto, per li Savii, atento dil 1404 a di 14 April fusse preso in questo Consejo far uno sbora-dor di l'Adeseto di Polesene, per tanto consejado dal Podestà e Capitano di Ruigo e sier Gasparo Contarini provedador sora la Camera d'imprestidi stato de li, però sia preso che 'l ditto stramazo over palificada senza la buova staria mal, per tanto si fazi una buova, *ut in parte*, et il retor di Ruigo pro-vedi chi habbi aprir e serar dita buova a spexe di le comunità di Ruigo, Lendenara et la Badia. Fu presa. Ave 83 de sì, 13 di no, 4 non sincere, *tamen* erano in Pregadi numero 178.

*Exemplum litterarum serenissimi regis Hyspa- 86  
nicæ ad serenissimum Dominium Veneti.*

Carolus Dei gratia rex Hispaniarum, utriusque Siciliae et Hierusalem etc. archidux Austriae, dux Burgundiae, Barbantiae etc. coims Flandrie, Tirolis